

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**Z A K O N  
O IZMJENI ZAKONA O POŠTANSKOM PROMETU FEDERACIJE BOSNE I  
HERCEGOVINE**

**Sarajevo, april 2015. godine**

## **PRIJEDLOG ZA DONOŠENJE ZAKONA PO HITNOM POSTUPKU**

Ovim prijedlogom vrši se usklađivanje Zakona o poštanskom prometu Federacije Bosne i Hercegovine („Službene novine Federacije BiH“ broj 76/04), sa krivičnim odredbama Zakona o prekršajima („Službene novine Federacije BiH“, broj 63/14).

Stoga predlažemo da se Zakon o izmjeni Zakona o poštanskom prometu Federacije Bosne i Hercegovine donese po hitnom postupku, u skladu sa čl. 191. i 192. Poslovnika Predstavničkog doma („Službene novine Federacije BiH“, br. 69/07 i 2/08) i čl. 186. i 187. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09).

**ZAKON O IZMJENI  
ZAKONA O POŠTANSKOM PROMETU FEDERACIJE BOSNE I HERCEGOVINE**

Član 1.

U Zakonu o poštanskom prometu Federacije Bosne i Hercegovine („Službene novine Federacije BiH“ broj 76/04) u članu 56. stav 1. mijenja se i glasi:  
„Novčanom kaznom u iznosu od 100,00 KM do 1.000,00 KM kaznit će se fizičko lice, a novčanom kaznom u iznosu od 500,00 KM do 1.000,00 KM kaznit će se pravno lice ako ne postavi ili ne održava poštanski sandučić kako je propisano odredbom iz člana 4. stav 5. tačka 3. ovog zakona.“

Član 2.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

**OBRAZLOŽENJE  
ZAKONA O IZMJENI ZAKONA O POŠTANSKOM PROMETU FEDERACIJE  
BOSNE I HERCEGOVINE**

**I- PRAVNI OSNOV**

Pravni osnov za donošenje ovog Zakona sadržan je u odredbi člana III.2 d., a u vezi sa članom III.3. (3) Ustava Federacije Bosne i Hercegovine.

**II- RAZLOZI DONOŠENJA**

Obzirom da je donesen novi Zakon o prekršajima Federacije Bosne i Hercegovine („Službene novine Federacije BiH“ broj 63/14) i da se u skladu sa članom 113. stav 4. i članom 22. navedenog zakona ukazala potreba za izmjenom Zakona o poštanskom prometu Federacije Bosne i Hercegovine, Federalno ministarstvo prometa i komunikacija pokrenulo je proceduru usaglašavanja.

**III- OBRAZLOŽENJE POJEDINAČNIH RJEŠENJA**

**Član 1.** - Izmjenom ovog člana vrši se usaglašavanje odredbi Zakona o prekršajima Federacije Bosne i Hercegovine i Zakona o poštanskom prometu Federacije Bosne i Hercegovine koje se odnose na visinu novčanih kazni.

**Član 2.** - Danom stupanja na snagu Zakona počinje i primjena Zakona.

**IV- FINANSIJSKA SREDSTVA**

Za provođenje ovog zakona nije potrebno osigurati sredstva u Budžetu Federacije Bosne i Hercegovine.

## **OBREDBA ZAKONA KOJA SE MJENJA**

### **Član 56.**

Novčanom kaznom u iznosu od 100,00 KM do 1.000,00 KM kaznit će se fizičko lice a novčanom kaznom u iznosu od 500,00 KM do 1.000,00 KM kaznit će se pravno lice ako ne postavi ili ne održava poštanski sandučić kako je propisano odredbom iz člana 4. stav 5. tačka 3. ovog zakona.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 500,00 KM do 2.000,00 KM.